

道門科範大全集卷五十一之五十二

啓三

道門科範大全集卷之五十一

五十一卷
十二同卷

卷三

廣成先生杜光庭刪定

南北二斗同醮儀

清旦行道

法事陞壇如式

各禮師存念如法

宣衛靈呪

青陽虛暎耀日回靈神虎辟邪飛天流鈴
摧奸滅試萬魔束形九微回道八威攝精
千真校錄三元蕩清左嘯中黃右策六丁

七轉八合周旋天經聖化巍巍大道興行
慶雲流布合景黃庭和與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧

啓三

香驛龍騎吏侍香金童傳言散花玉女五帝
直符直日香官合三十六人出出者嚴裝顯
服冠帶垂纓關啓玄壇土地方域神真臣今
清旦行道謹奉爲入意其諸誠悃已錄奏聞
願得

太上十方至真道炁靈寶瑞光下降流入臣
身中令臣所啓速達徑御

太上無極大道

昊天玉皇上帝御前

請稱法位

具位臣某與闔壇衆官等謹同誠上啓

虛无自然元始天尊太上大道君太上老君

昊天玉皇上帝九皇上真十方已得道大聖

衆至真諸君丈人三十六部尊經玄中大法

師圓穹玄象日月星辰北斗尊帝七元輔弼

星君南極大帝丈人司馬六司星君本命元
辰洞天海嶽三界官屬一切真靈臣聞北斗
居於坎位元精所藏南斗主於離宮至神所
寓精降爲魄用以守形神凝爲魂因以聚炁
羣生所系兩極攸司功寔濟於生靈德普資

啓三

二

於動用自二儀既判之後爲衆品受命之根
天陽地陰二炁感應以相與羣分類聚萬物
曲成而不違咸資陶冶之能以遂器形之化
增祿俸於士庶注爵秩於人天延促年齡去
留災福凡處生成之域難逃予奪之權醮主

其久慕仙宗未超濁境荷高穹之覆冒沐斗
極之照臨處已治身豈適中庸之道待人接
物第深過舉之憂進無衆善之修退有後時
之悔意欲導迎景貺掃去不祥是敢奉靈寶
之彝儀展河圖之明訓合醮乎南北二斗徧
仰乎天地衆真謝過祈恩禳災懇福臣獲參
玄奧備列真司瞻參橫斗轉之餘致晉接寅
恭之始既承詞悃敢不上聞

宣詞

按如詞言丹誠懇切爰賴神明之來相肆令

戩穀之攸宜作善降祥效商書之明訓遇災
而懼聞周雅之格言茲既露於丹衷冀俯回
於洪造常使淳風溥扇惠澤滂流付醮主之
精衷明天尊之至德以今清旦行道請法衆
等運茲初捻上香

啓三

三

願此香煙騰空徑上供養

太上三尊十方衆聖臣等皈身皈神皈命以
是捻香功德上祝

皇帝陛下伏冀睿圖隆永聖壽遐延握金鏡
以低臨萬方昭泰儼珠旒而端穆八海澄清

朝有忠良俗臻富壽儲皇妃后協贊昌期公
主諸王保寧休運火鼠燭龍之外燦燿爭馳
虞泉蒙谷之鄉車書混一今故燒香自皈依
道尊大聖衆至真之德得道之後昇入無爲
和與道合真以今清旦行道請法衆等運茲

二 捻上香

願此香煙騰空徑上供養

太上尊經十方衆聖臣等皈身皈神皈命以
是功德歸流弟子某家九世七玄億萬祖
親緣眷屬往逝神儀伏冀乘紫籙之玄功上

朱陵之仙界陽光瑩質流火煉形黑簡落名
青宮注籍逍遙真境永祛流注之殃利佑見
存克享安榮之福今故燒香自皈依
經尊大聖衆至真之德得道之後昇入無形
和與道合真

以今清旦行道請法衆等運茲三捻上香
願此香煙騰空徑上供養

太上三師十方衆聖臣等皈身皈神皈命以
是功德歸流弟子某災躔弭息厄運清消至
道資薰靈真衛護南昌司命開丹錄以延年

北府帝君削黑書而落死魂神澄正萬炁長
存眷屬親緣同霑景福飛沉異質蠢動殊形
咸沐玄休共臻身吉今故燒香自皈依
師尊大聖衆至真之德得道之後昇入無形
和與道合真

三

唱方 懺方 步虛 三禮

四

重稱法位

具位 臣 某與闔壇衆等謹重誠上啓

虛无自然元始天尊太上大道君太上老君

昊天玉皇上帝九皇上真十方已得道大聖

衆至真諸君丈人三十六部尊經玄中大法
師圓穹玄象日月星辰北斗尊帝七元輔弼
星君南極大帝丈人司馬六司星君本命元
辰洞天海嶽三界官屬一切真靈臣間七元
在太微之北爲造化之樞機六司在朔方之
東經日月之終始乃知火官以北爲貴水神
以中爲尊一則旋乾轉坤運動而機衡正一
則褒賢進士盛明而爵祿行體道德而垂光
助乾坤而育物欲上延於祿壽宜有禱於神
真其爰自宿生至于今日罪釁積如山嶽福

力輕若鴻毛或違天地覆載之仁或負日月
照臨之德犯二炁五行之性傷三光六紀之
和不悟因緣罔知禁忌違越經訓冒觸星光
曾未懺除慮成殃咎今則歸真知命悔過冥
心冀開大宥之恩俾獲自新之路仰惟南宮

啓三

五

六紀北斗七元斟酌化元無一人不稟以爲
命生持教令無一物不賴以爲生肅嚴壇靖
之規夤奉蘋蘩之薦投詞獻款罄志皈誠謝
已往之非補將來之短拜迎百福洗滌衆災
保家屬之團圓祝封疆之寧謐免息冢訟使

滯塞之通開以致康榮望祈求之稍遂落死
籍於至陰之境上生名於洞陽之宮

皇圖長覩於休明海宇永聞於富庶滅烽卧
穀邊陲無介冑之人薄賦輕徭比屋有絃歌
之士百官拱極萬姓奠居宜衆志之咸熙使
萬邪之歸正恩霑動植澤被幽遐先亡離苦
以超生異類乘時而變化上明
天尊大慈之澤下副臣等皈命之誠謹啓以

聞

十二願

復爐

謹攝香官使者左右龍虎君侍香諸靈官當
令臣向來清旦行道之所自然生金液丹碧
芝英百靈衆真交會在此香火爐前當願十
方仙童玉女接待蘭煙傳臣向來所啓之誠

速達徑御

至真無極大道

昊天玉皇上帝御前

出堂頌

出戶

道門科範大全集卷之五十

道門科範大全集卷之五十一

卷三

六

廣成先生杜光庭刪定

南北二斗同醮儀

臨午行道

法事陞壇如式

各禮師存念如法

宣衛靈呪

丹靈朱火 炎霞激風 赤輪剛運 天光行衛
迸威包羅 交變萬方 流金豁落 羣魔滅蹤
辟邪破妖 明耀元功 金符石制 躡雲策龍
謠歌慶會 散花太空 神化宜運 四極安隆
伏御帝前 罔有不恭和與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧

香驛龍騎吏侍香金童傳言散花玉女五帝
直符直日香官各三十六人出出者嚴裝顯
服冠帶垂纓關啓玄壇土地方域神真臣今
臨午行道謹奏爲入意其諸情悃已錄告聞
願得

啓三

七

太上十方至真道炁靈寶瑞光下降流入臣
身中令臣所啓速達徑御
太上無極大道

昊天玉皇上帝御前

請稱法位

具位臣某與闔壇衆官等謹同誠上啓

虛无自然元始天尊太上大道君太上老君
昊天玉皇上帝九皇上真十方已得道大聖
衆至真諸君文人三十六部尊經玄中大法
師圓穹玄象日月星辰北斗尊帝七元輔弼

星君南極大帝文人司馬六司星君本命元
辰洞天海嶽三界官屬一切真靈臣伏聞圓
穹垂象盈虛先七政之推文曜交躔旋斡自
二司之始斗宿天之星紀啓義明於書雲極
星天之帝車運玉衡而建月號南斗者乃居

於丑位稱北極者實御於中央喉舌化工權
輿曆象三百六十五度推尊天廟之提綱萬
有一千餘星悉受斗杓之操柄四序調於玉
燭三辰應於銅儀盡由兩極之主張叶贊一
元之運動凡圓形於人世皆稟氣於乾文品
固萬殊理歸一揆奉道某叨蓋輿之賦命荷
珠璧之儲精水火爲受性之原南北係降神
之府假四大之凡器植一真之深根敢不崇
玄庶幾反本立壇象斗環帝座以流光酌水
獻花企辰樞而展信式遵祕誥嚴奉殊科欽

承咫尺之威輒致再三之瀆臣棲身祕館通
籍真階躡紀步網愧彭氏女昇仙之效然燈
事斗蔑鄧德誠伐叛之功惟知宏教於玄壇
或可降祥於善類既承詞悃敢不以聞

宣詞

卷三

八

按如詞言丹誠懇切將上塵於帝所亦徧御
於星壇洪惟共理之司參輔無私之覆民生
均稟日用相須寶劍深潛尚騰光於舍次豐
狐異類猶展敬於魁杓既抱最靈之資宜識
有生之本道之真體寄運用於水火之官天

有常形職變動於經躔之宿爰舉同壇之醮
禮肅欽麗極之明威耿耿天梁跨河源而錯
峙煌煌玉斗杓龍角以左旋注想高穹馳神
玄象願下風雲之駕俯歆蘊藻之羞過者化
存者神覃休家國熾而昌康而壽均福顯幽
凝薰燎之芳馨格湛恩之汪濊以今臨午行
道請法衆等運茲初捻上香

願此香煙騰空徑上供養

太上三尊十方衆聖臣等皈身皈神皈命以
是功德上祝

今上皇帝陛下伏願離明並照辰極齊尊成
象成形擬諸身而高拱自南自北陶至化以
來賓天步無難人文有爛網紀燦日星之序
地久天長菽粟如水火之多時和歲稔今故
燒香自皈依

啓三

道尊大聖衆至真之德得道之後昇入無形
和與道合真

九

以今臨午行道請法衆等運茲二捻上香
願此香煙騰空徑上供養

太上尊經十方衆聖臣等皈身皈神皈命以

是功德歸流某家上世先靈親踈眷屬陰宮
夜境滯爽幽魂出朔都溟渤之鄉造丹霍洞
陽之境抱日挾月襲冲炁於陰陽陶魄鑄魂
反真神於离坎達生榮界垂裕後昆今故燒
香白飯依

經尊大聖衆至真之德得道之後昇入無形
和與道合真

以今臨午行道請法衆等運茲三捻上香
願此香煙騰空徑上供養

太上三師十方衆聖臣等飯身飯神飯命以

是功德歸流某家一門長少骨肉至親伏願
坎宮除險厄之虞南極介壽昌之祉樞機將
相著福祿以川增魁斗杓罡驅凶魔而瓦解
懋念室慾而防患積精累氣以全生俾侈喬
年長依至道今故燒香自皈依

師尊大聖衆至真之德得道之後昇入無形
和與道合真

唱方 懺方 命魔 三啓 三禮
請稱法位

具位臣某與闔壇衆官等謹同誠上啓

虛元自然元始天尊太上大道君太上老君
昊天玉皇上帝九皇上真十方已得道大聖
衆至真諸君丈人三十六部尊經玄中大法
師圓穹玄象日月星辰北斗尊帝七元輔弼
星君南極大帝丈人司馬六司星君本命元

啓三

十

辰洞天海嶽三界官屬一切真靈臣伏聞造
物無物莫非普植於羣倫與生俱生孰是反
求於一已昧剛柔之負抱孤健順之生成迷
本忘真乘愆蹈過莫悟擢形於斯世端從稟
氣於鴻鈞倬彼胚胎之初誠如渾沌之始分

化爐之真火神水爲人身之丹田絳宮離巳
之日凝魂坎戊之月制魄六府五藏九竅百
骸皆次第以成形洎圓滿而誕質或富或貴
或賤或貧各從情竇之萌莫匪世羅之絆六
欲障虛明之性七情斲久視之根既與道以
闊踈宜行世之坎珂天災物累鬼責人非運
元推屯否之臨身幹厄消暑寒之相寇倚伏
之機皆藏於危窵避趨之路宜詰於通津玉
局遺言昭示解禳之法紫庭祕誥許陳懺謝
之儀可轉禍以爲祥庶遷善而遠罪今奉道

某慮災凶在運憂惕于中用遵金口之言恭
啟鬱庭之醮伏乞

虛无上聖寥廓高真示以自新嘉其退省敕
下南宮六紀北斗七元迂景傾光墮祥介福
深災重患隨罡指以蠲除元炁真情幹斗杓

啓三

十一

而增注調平星度安鎮天綱五行無流逆之
災三命息刑妨之厄固蒂深根而養壽懷珠
抱玉以全生居之斯安動罔不吉均繁禧於
眷屬茂純嘏於門闌上願

國壽延洪帝圖悠久三邊不警九譯歸仁物

類叶於泰通平安遂性重陰廓於豐照離苦
超生願力難周恩光無盡上明

天尊大慈之澤下副臣等皈命之誠謹啓以
聞

十二願

復爐

謹攝香官使者左右龍虎君侍香諸靈官當
令臣向來臨午行道之所自然生金液丹碧
芝英百靈衆真交會在此香火爐前當願十
方仙童玉女接待侍蘭煙傳臣向來所啓之誠

速達徑御

至真無極大道

昊天玉皇上帝御前

出堂頌

出戶

道門科範大全集卷之五十一

道門科範大全集卷之五十二

廣成先生杜光庭刪定

南北二斗同醮儀

晚朝行道

法事陞壇如式

各禮師存念如法

宣衛靈呪

五星高耀 瑞氣飛浮 元始集神 天地交泰
玉符寶節 嘯命微幽 擲火持威 奸凶無留
萬魔振伏 紛葩却消 摧怪滅惡 道炁周流

啓三

十二

神光照夜 陰翳俱消 萬神降格 扇景乘飈
羣生咸遂 惠徧神州 和與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧

香驛龍騎吏侍香金童傳言散花玉女五帝
直符直日香官合三十六人出出者嚴裝顯
服冠帶垂纓關啓玄壇土地方域神真臣今
靜夜行道謹奏爲入意其諸情悃已錄告聞
願得

太上十方至真道炁靈寶瑞光下降流入臣
身中令臣所啓速達徑御

太上無極大道

昊天玉皇上帝御前

請稱法位

具位臣某與闔壇衆官同誠上啓

虛无自然元始天尊太上大道君太上老君
昊天玉皇上帝九皇上真十方已得道大聖
衆至真諸君丈人三十六部尊經玄中大法
師圓穹玄象日月星辰北斗尊帝七元輔弼

啓三

十三

星君南極大帝丈人司馬六司星君本命元
辰洞天海嶽三界官屬一切真靈臣伏明玄
化流光列宿垂曜文昌上聖掌丹籙以注生
紫微高尊總玄都而布化三光五帝生育羣
材統御萬靈普鑒幽顯臣謹爲某家按依科

式虔立壇場崇設醮筵披露誠懇冥祈玄象
延降真靈伏惟上聖衆尊垂慈降鑒分光迂
景采納丹誠臣既奉情詞敢不上奏

宣詞

按如詞言良深懇切念以積生慶會獲遇明

時得覩仙科遂延靈聖伏依儀法上備薰修
仰冀不棄凡塵俯垂允納侍觴於紫微之上
享饌於清夜之中瑞炁騰空真風臨席以今
靜夜行道請法衆等運茲初捻上香

願此香煙騰空徑上供養

太上三尊十方衆聖臣等皈身皈神皈命首
體投地仰依

南宮六紀北斗七元以是功德皈流宗廟先
聖社稷尊靈伏願證品玉清垂休寶嗣克昌
鳳曆永福洪基

今上皇帝德邁堯湯壽齊天地后妃嬪三光
贊文明太子諸王輔成睿德九圍宗道咸臻
清靜之風萬寓宅心共樂昇平之運今故燒
香自皈依

道尊大聖衆至真之德得道之後昇入無形

和與道合真

以今靜夜行道請法衆等運茲二捻上香
願此香煙騰空徑上供養

太上尊經十方衆聖臣等皈身皈神皈命首
體投地仰依

啓三

十四

南宮上聖北極衆真以是功德歸流某家九
先七祖一切幽魂伏願洪澤滂流惠風遐扇
宿瑕洗蕩除北府之罪名積釁消平上南宮
之生籍延祥介祉福及見存暨乎有識含情
飛潛蠢動皆承恩澤悉遂人寰今故燒香自

皈依

經尊大聖衆至真之德得道之後昇入無形
和與道合真

以今靜夜行道請法衆等運茲三捻上香
願此香煙騰空徑上供養

太上三師十方衆聖臣等皈身皈神皈命首
體投地仰依

南宮六紀北斗七元以是功德歸流某伏願
壽筭遐長災衰洗蕩福祥臻集眷屬康寧家
傳愷悌之風戶出謙恭之義凶魔遠竄善瑞

日臻宅宇鎮安龍神和輯三官進紀五帝儲
休今故燒香自皈依

師尊大聖衆至真之德得道之後昇入無形
和與道合真

唱方 懺方 三啓 三禮

啓三

十五

請稱法位

具位臣某與闔壇衆官等謹同誠上啓

虛无自然元始天尊太上大道君太上老君
昊天玉皇上帝九皇上真十方已得道大聖
衆至真諸君丈人三十六部尊經玄中大法

師圓穹玄象日月星辰北斗尊帝七元輔弼
星君南極大帝丈人司馬六司星君本命元
辰洞天海嶽三界官屬一切真靈臣聞三光
麗天萬物荷無私之照五緯垂象羣生蒙覆
載之恩所以南極注生北宮主死總領圖籙
統較幽明粵自混茫至于今日紀綱不紊曆
數無差上惟

帝王下該臣庶咸依主宰仰賴神休弟子某
詞悃所陳已具敷奏自惟積慶叨荷玄功而
六氣運神五帝演性貞閑難固流遁易迷旋

隳福善之階日踐愆違之境或積生所構或
今世所爲罪書綴五帝之篇咎目鼓三官之
筆未曾祈懺莫得蠲除又恐宿曜行藏交期
所屬行年經歷厄會所臨或故殺誤傷深冤
往債或繫心起念履惡爲非上犯天元下違

坤德觸陰陽禁忌負日月神明罪目惡緣無
邊無量非憑懺謝莫遂原除伏聞南宮爲陽
德之司生成萬物北極爲裁成之府主制羣
靈生死吉凶咸歸統錄除災解厄實賴聖慈
是敢披啓丹心皈依玄象虔伸醮祝上叩尊

靈布心於靜境之中露懇於清壇之下伏冀
司命司錄六宮垂憫濟之恩天輔天關七聖
降慈悲之澤三雲命駕俯降塵寰八道凝光
曲臨醮席命真僚而錫祐開巨貺以延祥特
爲其上消天災下禳地禍除五星九宮八卦

啓三

十六

併沖之厄解五緯三元凶星暗曜之災十神
免臨照之虞元命息刑妨之害宥宅神之譴
責破鬼賊之憑凌六甲五行不罹衰敗支干
宮徵無致衝妨剪妖魔蠱毒之侵傷絕惡鬼
凶人之謀議三官五帝之府訟逮原消先亡

近逝之魂考延解釋託廕七星之下儲祥六
紀之司福善雲臻災凶霧散六情所犯三業
所爲萬咎千愆並蒙原貸神明護佑真炁降
流保其微脆之姿克享堅剛之壽上明
天尊大慈之澤下副臣等皈嚮之誠謹啓以

聞

十二願

復爐

謹攝香官使者左右龍虎君侍香諸靈官當
冷臣向來靜夜行道之所自然生金液丹碧

芝英百靈衆真交會在此香火爐前當願十方仙童玉女接待蘭煙侍臣向來所啓之誠速達徑御

至真無極大道

昊天玉皇上帝御前

出堂頌

出戶

啓

十七

道門科範大全集卷之五十二

書



